

景定建康志卷之十二

承直郎宜差充江南東路安撫使司幹辦公事周應合修纂

建康表八

起隋開皇己酉至周顯德己未凡三百七十三年為

時

地

人

事

隋

文帝

諱堅姓楊氏襲封隋公周靜帝時位相國大家宰進爵隋王受

五八十五

建康志卷十二

周禪開皇

九年滅陳

遂為正統

九年己酉

末年甲子

九年平陳

建康城邑

宮室並平

蕩耕墾

石頭城置

廢丹陽郡

併秣陵建

康同夏三

縣入江寧

郭師為蔣

州刺史

刺史樊猛帥舟師出白下○庚午弼拔京口執刺史黃恪擒虎進攻姑孰拔之執樊巡及其家口蔣元遜將青龍八十艘於白下遊奕以禦六合兵弼擒虎軍南北並進諸戍望風盡走弼分兵斷曲阿之衝而入陳主命豫章王叔英屯朝堂蕭摩訶屯樂遊苑樊毅屯耆闍寺魯廣達屯白土岡之東晉王廣遣杜彥與韓擒虎合軍步騎二萬屯于新林陳主唯晝夜啼泣臺內處分一以委施文慶文慶既知諸將疾已恐其有功乃奏曰此等怏怏那可專信由是諸將凡有啓請率皆不行弼攻京口摩訶請兵逆戰陳主不許弼至鍾山摩訶又請乘壘壘未堅出兵掩襲又不許任忠請固守臺城緣淮立柵分兵斷江路無令彼信得通陳主又不能從明日歛然曰兵久不次令人腹煩可呼蕭郎一出擊之任忠

叩頭苦請勿戰孔範又奏請作一決當
 為官勒石燕然陳主從之摩訶曰從來
 行陳為國為身今日之事兼為妻子陳
 主通於摩訶妻摩訶初無戰意唯魯廣
 達力戰隋師退走者數四弼引兵趣孔
 範範兵暫交即走諸軍大潰員明擒摩
 訶任忠馳入臺城見陳主言敗狀陛下
 好任臣無所用力矣出降擒虎於石子
 岡引擒虎直入朱雀門陳人欲戰忠揮
 之曰老夫尚降諸軍何事眾皆散走袁
 憲請正衣冠御前殿依梁武帝見侯景
 故事陳主不從曰吾自有計從後堂景
 陽殿將投于井憲苦留夏侯公韻以身
 蔽井陳主與爭久之乃得入既而軍人
 窺井呼之不應欲下石乃聞叫聲以繩
 引之乃與張貴妃孔貴嬪同東而上沈
 后居處如常太子深閉閣而坐陳人宗
 室王侯在建康者百餘人陳主恐其為

變皆召入屯朝堂及臺城失守相帥出
 降弼乘勝至樂遊苑魯廣達猶督餘兵
 苦戰會日暮乃解甲面臺城再拜慟哭
 遂就擒諸門衛皆走弼夜燒北掖門入
 闈擒虎已得後主呼視之叔寶惶恐向
 弼再拜弼謂之曰小國之君當大國之
 卿拜乃禮也入朝不失作歸命侯無勞
 恐懼高頰先入建康頰子德弘為晉王
 記室廣使德弘馳詣頰所令留張麗華
 頰曰昔太公蒙面以斬妲己今豈可留
 麗華乃斬之於青溪廣變色曰昔人云
 無德不報我必有以報高公由是恨頰
 ○丙戌晉王廣入建康斬施文慶沈客
 卿陽慧朗徐析史暨慧於石闕下以其
 皆為民害王頌僧辯之子也夜發陳高
 祖陵焚骨取灰投水而飲之晉王廣以
 聞上命赦之詔陳文武宣三陵各給五
 戶看守之建康平晉王廣命陳叔寶手

王韶鎮石頭

書招上江諸將諸將大臨三日放兵散
 然後上江皆平豫章等諸郡太守亦降
 ○癸巳詔遣使者巡撫陳州郡陳國皆
 平得州三十郡一百縣四百詔建康城
 邑並平蕩耕墾於石頭城置蔣州晉王
 廣班師留王韶鎮石頭委以後事○三
 月己巳陳叔寶與其王公百司發建康
 詣長安大小在路五百里纍纍不絕帝
 命權分長安士民宅以俟之內外修整
 陳人至者如歸帝御廣陽門觀引陳叔
 寶於前及太子諸王二十八人司空司
 馬消難以下至尚書郎二百餘人宜詔
 勞之賜封長城侯文武皆隨才擢用陳
 境之內給復十年餘州免其年租賦江
 表自東晉以來刑法疏緩世族陵駕寒
 門平陳之後牧民者盡更變之○十年
 蘇威復作五教使民無長幼悉誦之士
 民嗟怨民間復訛言隋欲徙之入關遠

近驚駭於是越州高智慧蔣山李稜等
 舉兵反自稱大都督陳之故境大抵皆
 反大者有眾數萬小者亦數千執縣令
 或抽其腸或斃其肉食之曰更能使儂
 誦五教邪詔以楊素為行軍總管討之
 智慧等敗餘黨散入海島或守溪洞素
 分遣諸將水陸追捕後斬智慧於泉州
 餘黨悉降江南大定素遂班師○十一
 年春正月以平陳所得古器多為妖變
 悉命毀之○十三年上之滅陳也以陳
 叔寶屏風賜突厥大義公主公主以其
 宗國之覆心常不平書屏風為詩敘陳
 亡以自寄上聞而惡之禮賜漸薄○十
 八年夏四月癸卯以蔣州刺史郭衍為
 洪州總管

以蔣州刺
 史郭衍為
 洪州總管

洪州總管

煬帝

諱廣

元年

末年

大業初置

陽郡有蔣山

一江寧

當塗溧水

恭帝

諱侑

義寧一年

越王

諱侗

皇泰一年

高祖

四、四十一

姓李名淵

受隋禪

元年

末年

建康志卷十二

四

武德二年

杜伏威為

揚州刺史

總管江淮

南諸軍事

東南道行

臺尚書令

封吳王賜

姓李氏

武德元年煬帝在江都荒淫益甚帝見中原已亂無心北歸欲都丹楊保據江東命羣臣廷議之虞世基等皆以為善

右候衛大將軍李才極陳不可請還長

安李桐客曰江東卑濕土地險狹內奉

萬乘外給三軍民不堪命恐亦將散亂

耳御史劾桐客毀謗朝政於是公卿皆

阿意言江東民望幸已久陛下過江撫

而臨之此大禹之事也乃命治丹楊宮

將徙都之時江都從駕多關中久客思

鄉至是多謀叛歸而宇文化及司馬德

戡裴虔通帥賊縊殺帝於江都

沈法興為吳興太守聞宇文化及弑逆

遂舉兵以討化及為名比至烏程得精

卒六萬遂攻毗陵餘杭丹陽皆下之據

江表十餘郡自稱江南道大總管承制

置百官○二年沈法興既克毗陵謂江

淮之南指揚可定時杜伏威據歷陽陳

稜據江都李子通據海陵俱有窺江表

之心法興數敗伏威稜繼敗于通即位

於江都國號吳丹楊賊帥樂伯通帥眾

置揚州東

南道行臺

尚書省

三年以江

寧溧水二

縣置揚州

析置丹楊

溧陽安業

三縣更江

寧曰歸化

以句容延

陵二縣置

茅州

伏威入朝

萬餘降之子通以為左僕射。三年六月詔以和州總管東南道行臺尚書令楚王杜伏威為使持節總管江淮以南諸軍事揚州刺史。是歲李子通度江攻沈法興取京口法興遣其僕射蔣元超拒之戰於慶亭元超敗死法興棄毗陵奔吳都於是丹楊毗陵等郡皆降子通杜伏威遣行臺左僕射輔公祏將卒數千攻子通以將軍闕稜王雄誕為之副公祏度江攻丹楊克之進屯溧水子通帥眾數萬拒之公祏簡精甲千人執長刀為前鋒又使千人踵其後而擊之子通敗走公祏逐之王雄誕又以其屬數百人夜出擊之因風縱火子通大敗江南之地盡入於伏威伏威徙居丹楊。六年七月壬子淮南道行臺輔公祏反初杜伏威與公祏相友善公祏年長伏威兄事之軍中畏敬與伏威等伏威

輔公祏為

揚州刺史

建康志卷十二

五

六年復為

揚州又以

延陵句容

隸之省安

業入歸化

更歸化曰

金陵

忌之乃署其養子闕稜為左將軍王雄誕為右將軍潛奪其兵權公祏知之快不快與左遊仙陽學道辟穀以自晦及伏威入朝留公祏守丹楊令雄誕典兵為之副陰謂雄誕曰吾至長安苟不職勿令公祏為變伏威既行左遊仙說公祏謀反乃詐為伏威書疑雄誕有二心雄誕聞之不悅稱疾不視事公祏因奪其兵論以反事雄誕不從遂縊殺之又詐稱伏威不得還江南貽書令其起兵尋稱帝於丹楊國號宋修陳故宮室而居之署置百官以左仙遊為兵部尚書越州總管。乙丑詔襄州行臺僕射趙郡王孝恭以舟師趣江州李靖以交廣之眾趣宣州黃君漢出譙亭李世勣出淮泗以討輔公祏孝恭將發與諸將宴集命取水忽變為血在坐皆失色孝恭曰此公祏授首之徵也飲而

七年平輔

公祐更名

蔣州置金

陵縣廢東

南道行臺

九年廢都

督徙治江

都更名金

陵曰白下

延陵句容

趙郡王孝

恭由東南

道行臺為

揚州大都

督李靖為

府長史

寒皆悅服○九月戊子輔公祐遣其將徐紹寇海州陳政通寇壽陽○七年孝恭擊公祐別將於樅陽破之○二月孝恭攻公祐鵲頭鎮拔之○三月戊戌趙郡王孝恭克丹楊先是輔公祐遣其將馮慧亮陳當世將舟師三萬屯博望山陳正通徐紹宗將步騎二萬屯青林山仍於梁山連鐵鎖以斷江路築却月城延袤十餘里孝恭帥李靖李世勣等進師慧亮等堅壁不戰李靖曰公祐精兵雖在此水陸二軍然所自將亦為不少今博望諸柵尚不能拔公祐保據石頭豈易取哉進攻丹揚旬月不下慧亮等躡吾後腹背受敵此危道也孝恭以羸兵攻賊壘而勒精兵結陣以待之攻壘者不勝而走賊出兵追之行數里遇大軍與戰大破之公祐大懼擁兵數萬棄城東走欲就左遊仙於會稽李世勣追

小字乙巳

建康志卷十二

六

太宗

元年丁亥

末年己酉

貞觀七年

更曰下曰

江寧縣

隸潤州丹

楊溧水溧

陽隸宣州

檢校揚州

襄邑王神符

之公祐至句容從兵能屬者纔五百人走至武康為野人所攻西門君儀戰死執公祐送丹楊梟首分捕餘黨悉誅之江南皆平以孝恭為東南道行臺右僕射尋廢行臺為揚州大都督靖為府長史○八年十二月以襄邑王神符檢校揚州大都督始自丹揚徙州府及居民於江北

高宗

元年庚戌

末年癸未

天后

元年甲申
末年甲辰

小五、五九

建康志卷十二

七

光宅元年時諸武用事唐宗室人人自危衆心憤惋會眉州刺史李敬業貶柳州司馬及弟蓋屋令敬猷免官蓋屋尉魏思温復被黜皆會於揚州各自以失職怨望乃謀作亂以匡復廬陵王爲辭思温爲之謀主使其黨監察御史薛仲璋求奉使江都令雍州人韋超詣仲璋告變云揚州刺史陳敬之謀反仲璋收敬之繫獄居數日敬業乘傳而至矯稱揚州司馬來之官云奉密旨以高州酋長馮子猷謀反發兵討之於是開府庫令士曹參軍李宗臣就錢坊驅囚徒工匠數百授以甲斬敬之於繫所錄事參軍孫處行拒之亦斬以徇僚吏無敢動者遂起一州之兵復曰嗣聖元年開三府一曰匡復府二曰英公府三曰揚州大都督府敬業自稱匡復府上將領揚州大都督旬日間得勝兵十餘萬則天

以李孝逸將兵三十萬討敬業魏思温說敬業曰明公以匡復爲辭宜帥大眾鼓行而進直指洛陽則天下知公志在勤王四面響應矣薛仲璋曰金陵有王氣且大江天險足以爲固不如先取常潤爲定霸之基然後北向以圖中原進無不利退有所歸此良策也思温曰山東豪傑以武氏專制憤惋不平聞公舉事皆自蒸麥飯爲糧伸勸爲兵以俟南軍之至不乘此勢以立大功乃更蓄縮欲自謀巢穴遠近聞之其誰不解體敬業不從攻潤州執刺史李思文後聞李孝逸將至自潤州圍軍拒之屯高郵之下河溪孝逸進擊之因風縱火敬業大敗將入海至海陵界阻風其將王那相斬敬業首來降餘黨皆捕得傳首神都揚楚潤三州平○陳嶽論曰敬業苟能用魏思温之策直指河洛專以匡復爲

事縱軍敗身戮亦忠義在焉而妄希金陵王氣是真為叛逆不敗何待○天授元年以司賓卿溧陽史務滋為納言

中宗

元年乙巳
末年丙酉

睿宗

元年庚戌
末年癸亥

元宗

元年壬子
末年乙未

肅宗

元年丙申
末年壬寅

開元四年二月二十六日
升江寧縣為望縣

建康志卷十二

八

至德二載

正月十六

日以潤州

江寧縣置

江寧郡

乾元元年

改為昇州

至德元載

顏真卿封

丹楊縣子

上皇入蜀命諸子分總天下節制永王璘領四道節度使璘子襄城王瑒有勇力好兵有薛鏐等為之謀主以為今天下大亂惟南方完富宜據金陵保有江

表如東晉故事上聞之敕璘歸覲于蜀璘不從上召高適與之謀適陳江東利害且言璘必敗之狀十二月以高適來鎮與江東節度使韋陟共圖璘○甲辰璘擅引舟師東巡松江而下軍容甚盛然猶未露割據之謀吳郡太守江南東路采訪使李希言牒璘詰其擅引兵東下之意璘分兵遣將襲之○至德二載二月璘敗死其黨薛鏐等皆伏誅李廣琛召諸將謂曰吾屬從王至此天命未集人謀已隳不如及兵鋒未交早為去就不然死於鋒鏑永為逆臣矣諸將皆然之於是廣琛以麾下犇廣陵憚惟明奔江寧○乾元元年十二月甲辰置江西道節度使○二年顏真卿拜浙西節度使劉展將辰真卿豫飭戰備都統李岫以為生事非短真卿召還為刑部侍郎○上元元年十一月宋州刺史劉

乾元元年

乾元

置浙江西道節度兼

以昇州刺

領昇潤宣

為浙江西

欽饒江蘇

道節度使

常杭州十

兼江寧軍

州

使領昇潤

後尋徙治

等十州治

蘇州

昇州

展領淮西節度副使時有謠言曰手執金刀起東方節度使王仲昇使邢延恩入奏展偏疆不受命姓名應謠識展方握疆兵宜以計去之請除展江淮都統代李岫俟其釋兵赴鎮執之上從之以展為都統淮南東江南西浙西三道節度使展疑延恩解之展曰事苟不欺印節可先得乎延恩曰可乃馳詣廣陵謀解岫印節以授展展得印節乃上表謝恩延恩知展已得其情還廣陵與李岫鄧景山發兵拒之移徽州縣言展反展亦言岫反岫引兵度江與潤州刺史韋儂浙西節度使侯令儀屯京口鄧景山屯徐城展倍道先期至使人問景山曰此何兵也景山不應展使其將孫待封張濩雷擊之景山眾潰與延恩奔壽州展入廣陵李岫入北固為兵場插木以塞江口展軍於白沙設疑兵於瓜州多

乾元二年

乾元二年

浙江西道

顏真卿拜

觀察處置

都團練守

浙西節度

捉及本道

使治昇州

營田使更

旋召還為

領丹楊軍使

刑部侍郎

上元元年

西節度使

劉展陷昇

昇州刺史

州

張旗鼓若將趨北固者如是累日岫悉銳兵守京口以待之展乃自上流濟襲下蜀岫軍潰奔宣城展陷潤州昇州軍士萬五千人謀應展攻金陵不克而遁侯令儀懼以後事授兵馬使姜昌羣棄城走昌羣遣其將宗犀詣展降丙申展陷昇州以宗犀為潤州司馬丹陽軍使使昌羣領昇州以從子伯璜佐之○初上命平盧都知兵馬使田神功將所部精兵三千屯任城鄧景山既敗與邢延恩奏乞敕神功救潤南未報景山遣人趣之且許以淮南金帛子女為賂神功及所部皆喜悉眾南下及彭城敕神功討展展聞之始有懼色自廣陵將兵八千拒之選精兵二千度淮擊神功於都梁山展敗走至天長以五百騎據橋拒戰又敗展獨專一騎亡度江神功入廣陵及楚州大掠城中地穿掘略徧○二

上元二年
浙江西道
觀察使徒
治宣州罷
領昇州
寶應元年
四月十五
日廢昇州
揚軍使

命儀棄城
年正月辛亥神功先遣范知新將四千人自白沙濟趣下蜀鄧景山等將千人自海陵濟東趣常州神功與邢延恩將三千人軍於瓜州壬子濟江展將步騎萬餘陳於蒜山神功以舟載兵趣金山會大風五舟飄抵金山下展屠其二舟沈其三舟神功不得度還軍瓜州而范知新已至下蜀展擊之不勝弟殷勸展引兵逃入海展不從遂更帥眾力戰將軍賈隱林射展中目而仆遂斬之餘黨皆平平盧大掠十餘日

代宗
大歷十二
年浙江西
道觀察使
罷領丹楊
軍使

建中四年浙江東西節度使韓滉聞朱泚作亂閉關梁禁馬牛出境築石頭城穿井近百所繕館第數十修塢壁起建業抵京峴樓堞相屬以備車駕度江且自固也淮南節度使陳少遊發兵三千大閱於江北滉亦發舟師三千曜武於京江以應之○十一月議者言韓滉聞

德宗

元年庚申
未年甲申

古年合浙江
東西道置都
團練觀察使
建中元年分
浙江東西道
都團練觀察
為一道
二年合浙江
西一道觀察
置節度使治
潤州尋賜號
鎮海軍節度

疑之以問李泌對曰滉公忠清儉自車駕在外滉貢獻不絕且鎮撫江東十五州盜賊不起皆滉之力也所以修石頭城者滉見中原版蕩謂陛下將有永嘉之行爲迎扈之備耳此乃人臣忠篤之慮奈何以爲罪邪滉性剛嚴不附權貴故多謗毀其子臯爲考功員外郎今不敢歸省其親正以謗語沸騰故也臣請以百口保滉又曰關中米斗千錢倉廩耗竭江東豐稔願面諭韓臯使之歸對

節度使韓

混

令混感激無自疑之心速運糧儲至關中上曰善即下泌章令韓臯謁告歸觀面賜緋衣諭以卿父比有謗言朕今知其所以釋然不復信因言關中闕糧歸語卿父宜速致之臯至混感泣即自臨水濱發米百萬斛臯留五日即冒風濤而遣之既而陳少遊聞混貢米亦獻二十萬碩

順宗

一年乙酉

憲宗

元年丙戌
末年庚子

李錡遣兵

李錡為

治石頭城

節度使

元和二年夏蜀既平藩鎮惕息多求入朝鎮海節度使李錡亦不自安求入朝上許之遣中使慰勞錡雖署判官王澹為留後實無行意遂謀反先是錡選腹心五人為蘇常湖杭睦五州鎮將各有兵數千伺察刺史動靜至是錡各使殺其刺史遣牙將庾伯良將兵二千治石頭城

四三廿八

建康志卷十二

十

穆宗

元年辛丑
末年甲辰

長慶二年竇

易直為浙西

觀察使

三年李德裕

為浙西觀察使

敬宗

元年乙巳
末年丙午

文宗

元年丁未
末年庚申

大和九年李德裕為浙西觀察使漳王傅母杜仲陽坐宋申錫事放歸金陵詔德裕存處之會德裕已離浙西牒留後李蟾使如詔旨至是左丞王璠戶部侍郎李漢奏德裕厚賂仲陽陰結漳王圖為不軌路隋曰德裕不至此果如所言臣亦應得罪言者稍息夏四月以德裕為賓客分司

武宗

元年辛酉
末年丙寅

會昌四年十一月升
句容縣為望縣

宣宗

元年丁卯
末年己卯

懿宗

元年庚辰
末年癸巳

僖宗

元年甲午
末年戊申

昭宗

元年己酉
末年甲子

光啓三年復
以上元句容
溧水溧陽四
縣置昇州

大順元年
張雄為昇

景福元年楊行密破孫儒復入揚州白
此有國於淮南并據金陵○天復二年

建康志卷十二

十一

州刺史

封行密為吳王○六月朱全忠軍于虢

景福二年馮

縣武寧節度使馮宏鐸介居宣揚之間

宏鐸為昇州

常不自安然自恃樓船之疆不事兩道

刺史兼武寧

寧國節度使田頔欲圖之募宏鐸工人

軍節度使

造戰艦工人曰馮公遠求堅木故其船

天復二年封

堪久用今無之頔曰第為之吾止須一

行密為吳王

用耳宏鐸將馮暉顏建說宏鐸先擊顏

行密以

宏鐸從之帥眾南上聲言攻洪州實襲

福為昇州刺史

宣州也楊行密使人止之不從辛巳頔

三年行密以

帥舟師逆戰于葛山大破之宏鐸收餘

刺史神福為

犒軍且說留之宏鐸至東塘行密自乘

淮南行軍司馬

輕舟迎之從者十餘人常服升宏鐸用

使館給甚厚行密以李神福為昇州刺

慰諭之舉軍感悅署宏鐸淮南節度副

刺史未幾改

史○三年楊行密承制以昇州刺史李

洪州制置使

使舒州團練使劉存副之將兵擊杜洪

景宗

元年乙丑
末年丙寅

五代

梁

太祖

姓朱名晃
元年丁卯
末年甲戌

○田頽襲昇州得李神福妻子善遇之神福自鄂州東下頽遣使謂之曰公見機與公分地而王不然妻子無遺神福曰吾以卒伍事吳王今為上將義不以妻子易其志頽有老母不顧而反三綱且不知烏足與言乎斬使者而進士卒皆感勵頽遣其將王檀汪建將水軍逆戰神福陽敗引舟泝流檀建追之神福復順流擊之因風縱火焚其艦檀建大敗戊申又戰于皖口檀建僅以身免頽聞檀建敗自將水軍逆戰神福曰賊棄城而來此天亡也臨江堅壁不戰遣使告行密發步兵斷其歸路行密遣漣水制置使臺濛將兵應之王茂章攻潤州久未下行密命茂章引兵會濛擊頽為濛所敗奔還宣州後臺濛克之行密以李神福為寧國節度使神福以杜洪未平固讓不拜○天祐三年楊渥以昇州

刺史秦裴為西南行營都招討使將兵擊鍾匡時於江西後拔洪州虜匡時等五千人以歸楊渥自兼鎮南節度使以裴為洪州制置使

開平元年以楊行密子渥為宏農王子隆演世襲至乾化二年徐溫等推隆演為吳王
徐溫自領昇州刺史留廣日公不爾人謂公反遇怒曰君言遇反

開平三年三月徐溫以金陵形勢戰艦所聚乃自以淮南行軍副使領昇州刺史留廣陵以其假子元從指揮使知誥為昇州防邊兼樓船副使往治之○乾化二年宣州觀察使李遇乃武忠王舊將有大功以徐溫自牙將秉政內甚不平常言徐溫何人吾未嘗識而一旦乃當國邪館驛使徐玠使於吳宣州溫使玠說遇入見新王遇初許之玠

末帝

諱瑱

元年乙亥

末年壬午

唐滅之

貞明五年

楊隆宣即位

吳國即位

置百官僭

用天子禮

改元武義

龍德元年

楊補黃偽

阮瑒順

義

建康志卷十二

十四

陵以其養子殺侍中者非反邪侍中謂威王也溫怒
 以淮南節度副使王檀為宣州制置使
 樓船副使治數遇不入朝之罪遣都指揮柴再用帥
 昇州知誥以功遷昇州刺史
 昇州刺史溫為鎮海軍節度使
 號求生遇由是不忍開門請降溫使再
 用斬之夷其族於是諸將始畏溫莫敢
 違其命徐知誥以功遷昇州刺史知誥
 事溫甚謹安於勞辱或通夕不解帶以
 是特愛之時諸州長吏多武夫專以軍
 旅為務不恤民事知誥在昇州獨選用
 廉吏修明政教招延四方士大夫傾家
 貲無所愛洪州進士宋齊丘好縱橫之
 術謁知誥奇之辟為推官與判官王令
 謀參軍王翊專主謀議以牙吏馬仁裕
 周宗曹棕為腹心

元年偽吳以鎮海節度使徐溫為管內水陸馬步諸軍都指揮使兩浙都招討使守侍中齊國公鎮潤州以昇潤常宣歙池六州為巡屬軍國庶政參決如故知誥留廣陵秉政
 貞明二年吳昇州刺史徐知誥治城市府舍甚盛五月徐溫行部至昇州愛其繁富潤州司馬陳彥謙勸溫徙鎮海軍治所於昇州溫從之徒知誥為潤州團練使知誥求宣州溫不許知誥不樂宋齊丘密言於知誥曰三郎驕縱敗在朝夕潤州去廣陵隔一水耳此天授也知誥悅即之官三郎謂溫長子知誥也溫以陳彥謙為鎮海節度判官溫但舉大綱細務悉委彥謙江淮稱治○四年徐知誥為平盧節度使同平章事諸道副都統為朱瑾所殺徐溫入朝于廣陵疑諸將皆預朱瑾之謀欲大行誅戮知誥嚴可求具陳知誥過惡所以致禍之由溫怒稍解責知誥將佐不能匡救皆抵罪溫還鎮金陵總吳朝大綱自餘庶政皆決於知誥○吳劉信攻虔州不能克使人說譚全播取質納賂而還徐溫大怒

唐

莊宗

姓李名

存勗

元年

末

西

杖信使者授其子英彥兵三千曰汝父據上游之地將十倍之眾不能下一城是反也汝可以此兵往與父同反又使昇州牙內指揮使朱景瑜與之俱劉信聞溫言大懼引兵還擊虔州先鋒始至虔兵皆潰譚全播奔雩都追執之○嚴可求屢勸徐溫以次子知詢代知誥知吳政知誥與駱知詳謀出可求為楚州刺史可求既受命至金陵見溫說以先建吳國以繫民望溫大悅復留可求參總庶政知誥知可求不可去乃以女妻其子續○六年偽吳宣王見徐溫父子專政遂成寢疾五月溫自金陵入朝議當為嗣者或希溫意言曰蜀先主謂武侯嗣子不才君宜自取溫正色曰吾果有意取之當在誅張顥之初豈在今日使楊氏無男有女亦當立之敢妄言者斬○十一月吳金陵城成陳彥謙上費

思之籍徐溫曰吾既任公不復會計悉焚之

同光元年吳人有告壽州團練使鍾泰章侵市官馬者徐知誥以吳王之命遣滁州刺史王稔巡霍丘因代之以泰章為饒州刺史徐溫召至金陵使陳彥謙詰之者三皆不對或問泰章何以不自辨泰章曰吾在揚州號稱壯士步騎不下五千苟有它志豈單騎能代之乎我義不負國黜為縣令亦行況刺史乎何為自辨以張朝廷之失○二年吳王如白沙觀樓船更命白沙曰迎鑿鎮徐溫自金陵來朝先是溫以親吏翟虔為閣門宮城武備等使使察王起居虔防制王甚急至是因謂溫曰公之忠誠我所知也然翟虔無禮宮中及宗室所須多不獲溫謝罪請斬之王曰太過乃撫

明宗

諱亶

元年丙戌
末年癸巳

天成二年
楊浦偽即
帝位改元
乾貞二年
改太和六
年改天祚

三年八月 **溫**卒偽吳

徐知誥廣以 **知誥** 為

金陵城二鎮海寧國

十里且營節度使鎮

宮城以備金陵總錄

吳主遷都朝政如溫

不果 故事

天成二年十月吳徐溫卒初溫子知詢以其兄知誥非徐氏子數請代之嚴可求及徐玠亦屢勸焉陳夫人曰知誥自我家貧賤時養之奈何富貴而棄之可求等言不已溫欲勸吳王稱帝乃遣知詢奉表勸進因留代知誥執政知誥草表欲求洪州節度使俟旦上之是夕凶問至乃止知詢亟歸金陵○四年八月吳武昌節度使李簡以疾求還江都癸丑卒于採石徐知詢簡壻也擅留簡親兵二千人于金陵表薦簡子彥忠代父鎮鄂州徐知誥以柴再用為武昌節度使知詢怒曰劉崇俊兄之親三世為濠州彥忠吾妻族獨不得邪○長興元年十月吳左僕射嚴可求卒徐知誥將出鎮金陵乃以其長子大將軍景通為兵部尚書參政事○知誥秉政每與宋齊正議機事一堂既高且敞徹屏去障置

一火爐於堂間灰而不燃知誥齊正終日處其堂圍爐閑坐火筋各執其一畫灰成字口終不言人莫知其所為圍爐而散虛室間然唯爐灰而已今邦溝孝先菩薩院是其堂也○二年十一月知誥表稱輔政歲久請歸老金陵乃以知誥鎮金陵以其子景通為司徒同平章事留江都輔政十二月癸亥知誥至金陵○三年知誥作禮賢院於府舍聚圖書延士大夫與孫晟及海陵陳覺談議時事○四年宋齊正勸知誥徙吳主都金陵知誥乃營宮城於金陵○九月知誥以國中水火屢為災曰兵民困苦吾安可獨樂悉縱遣侍妓取樂器焚之○宋齊正事吳守員外郎上策勸農桑曰徵民稅宜虛擡時價以折紬絹及蠲課調于時朝議喧然謂齊正此策虧損官錢不少阻之齊正貽書知誥知誥曰此

潞王

諱從珂

元年甲申

未年乙未

晉滅之

二月甲申

金陵大火

乙酉又大

火

吳太和中

徐知誥典

金陵鍾山

之陽積飛

六李七

蝗尺餘厚

有數十僧

白晝聚首

啗之盡

建康志卷十二

十七

偽吳以徐

景通為節

度副大使

勸農之上策也行之自是江淮不十年
間野無閑田桑無隙地
清泰元年知誥別治私第於金陵乙未
遷居私第虛府舍以待吳王二月吳人
多不欲遷都者都押衙周宗言於知誥
曰主上西遷公復須東行不惟勞費甚
大且違衆心丙子吳主遣宋齊丘如金
陵諭知誥罷遷都先是知誥久有傳禪
之志以吳主無失德恐衆心不悅欲待
嗣君宋齊丘亦以為然一旦知誥臨鏡
鑷白髭曰國家安而吾老矣奈何周宗
知其意請如江都微以傳禪諷吳主且
告齊丘齊丘以宗先已心疾之遣使馳
詣金陵手書却諫以為天時人事未可
知誥愕然後數日齊丘至請斬宗以謝
吳主乃黜宗為池州副使吳詔知誥還
府舍甲申金陵屢火知誥疑有變勒兵
自衛己丑復入府舍○七月知誥召右

十月吳加中

書令徐知誥

尙父太師大

丞相大元帥

封齊王備殊

禮以昇潤宣

池歛常江饒

信海十州為

齊國知誥辭

尙父丞相殊禮

僕射宋齊丘還金陵以為諸道都統判
官加司空於事皆無所關預齊丘屢請
退居知誥以南園給之○十月吳主加
知誥大丞相尙父嗣齊王九錫辭不受
○十一月知誥召其子景通還金陵為
鎮海寧國節度副大使以次子景迂為
左僕射參知政事留江都輔政○二年
吳加徐景迂同平章事知誥令尙書郎
陳覺輔之謂覺曰吾少年時與宋子嵩
論議好相詰難子嵩携衣笥望秦淮門
欲去者數矣吾常戒門者止之吾今老
矣猶未徧達時事况景迂年少當國故
屈吾子以輔之耳○布衣錢亮寓居金
陵唐季天祜中嘗謂人曰金陵王氣復
興當有申生子應運於此建都後吳帝
命徐知誥出典斯郡亮謁之退謂左右
曰建康之地復興帝都即郡守是也徐
溫聞有斯言徙知誥它郡溫自治之廣

晉

高祖

石敬瑭

元年

末年

天福二年

即吳天祚

三年楊溥

禪偽位于

徐知誥遷

據金陵自

此有國江

吳主天福

元年詔齊

置百官以

金陵府為

西都

知誥改金

陵為江寧

宮城廳堂

曰殿始建

太廟社稷

唐主以齊

王璟為昇

揚二州牧

建康志卷十二

十八

修宮署闢布城池以厭之亮又曰此乃
修道之主也溫亡知誥受禪於金陵建
帝都昇即戊申生也亮之言驗矣昇於
是封亮為霸國先生

天福元年十二月知誥以鎮南節度使
太尉兼中書令李德誠德勝節度使兼
中書令周本位望隆重欲使之帥眾推
戴本曰我受先王大恩自徐溫父子用
事恨不能救楊氏之危又使我為此可
乎其子宏祚疆之不得已帥諸將表吳
主陳知誥功德請行冊命又詣金陵勸
進宋齊丘謂德誠之子建勳曰尊公太
祖元勳今日埽地矣於是吳宮多妖吳
主曰吳祚其終乎左右曰此乃天意非
人事也○二年春正月吳太子璉納齊
王知誥女為妃知誥以左右司馬宋齊
丘徐玠為左右丞相馬步判官周宗內
樞判官黔人周廷玉為內樞使自餘百

南知誥本
姓李氏徐
溫養以為
子遂冒徐
姓既受吳
禪明年復
姓李氏更
名昇國號
南唐改元
昇元六年
李景襲偽
位改元保大

唐昇元六年
歲壬寅十一
月丁丑溧水
縣天興寺桑
樹生木人

官皆如吳朝之制置騎兵八軍步兵九
軍○二月戊子吳主使宜陽王璩如西
都冊命齊王王受冊赦境內冊王妃曰
后○三月壬申更名誥立子景通為王
太子固辭不受○七月吳同平章事王
令謀如金陵勸徐誥受禪誥讓不受○
八月吳王令謀老病或勸之致仕令謀
曰齊王大事未畢吾何敢自安疾亟力
勸徐誥受禪是月吳主下詔禪位于齊
李德誠等復詣金陵帥百官勸進宋齊
丘不署表九月癸丑令謀卒丙寅吳主
命江夏王璘奉璽綬于齊冬十有一月
甲申齊王誥即皇帝位于金陵大赦改
元昇元國號唐乙酉遣右丞相玠奉冊
詣吳主稱受禪老臣誥謹拜稽首上皇
帝尊號曰高尙思元宏古讓皇宮室乘
輿服御皆如故正朔徽章服色悉從吳
制唐主宴羣臣於天泉閣李德誠曰陛

下應天順人惟宋齊丘不樂因出齊丘止德誠勸進書唐主執書不視曰子嘗三十年舊交必不相負齊丘頓首謝丙申以吳張延翰張居詠李建勳並同平章事讓皇以唐主上表致書辭之唐主表謝不改丁酉加齊丘大司徒齊丘雖為左丞相不預政事心愠懟聞制詞云布衣之交抗聲云臣為布衣時陛下為刺史今日為天子可不用老臣矣還家請罪唐主手詔謝之亦不改命久之齊丘不知所出乃更上書請遷讓皇於它州斥遠吳太子璉絕其昏唐主不從○三年夏四月甲申唐宋齊丘自陳丞相不應不預政事唐主荅以省署未備○吳讓皇固辭舊宮屢請徙居李德誠等亦亟以為言五月戊午唐主改潤州牙城為丹楊宮以李建勳為迎奉讓皇使壬戌唐主徙讓皇居丹楊宮○齊丘復

白陳為左右所間唐主大怒齊丘歸第白衣待罪或曰齊丘舊臣不宜以小過棄之唐主曰齊丘有才不識大體乃命吳王璟持手詔召之○六月或有獻毒酒方於唐主唐主曰犯吾法自有常刑安用此為羣臣爭請改府寺州縣名徐玠曰咸非急務不可從唐主然之○九月壬戌唐太府卿趙可封請唐主復姓李立唐宗廟○十一月吳讓皇卒唐主廢朝二十七日追諡曰睿皇帝○四年唐羣臣江王徐知證等累表請立宗廟唐主許之又請上尊號唐主曰尊號虛美且非古遂不受不以外戚輔政宦者不得預事皆它國所不及○巳卯唐主為李氏考妣發哀與皇后斬衰居廬如初喪禮朝夕臨凡五十四日○辛巳詔國事委齊王璟詳決惟軍旅以聞○庚寅唐主更名昇詔百官議二祚合享禮

建康志卷十二

二十

○夏四月唐江王徐知證等請亦姓李唐主不許。○辛巳唐主祀南郊癸未大赦。○唐主將立齊王璟為太子固辭乃以為諸道兵馬大元帥判六軍諸衛守太尉錄尚書事昇楊二州牧。○五年唐倉吏歲終獻羨餘萬石唐主曰出納有數苟非培民刻軍安得羨餘卻之。○唐主立齊王璟為太子兼大元帥錄尚書事璟固辭唐主許之詔中外致賤如太子禮。○十月壬寅唐主大赦詔中外奏章無得言睿聖犯者以不敬論術士孫智求以四星聚斗分野有災勸唐主巡東都。○乙巳唐主命齊王璟監國光政副使陳覺以私憾奏泰州刺史褚仁規貪殘丙午罷仁規為扈駕都部署覺始用事。○庚戌唐主發金陵至江都唐主欲遂居之以冰凍漕運不給乃還十二月丙午至金陵。○唐主性節儉常躡蒲

履盥頰用鐵盥暑則寢於青葛帷左右使令惟老醜宮人服飾麤略死國事者雖士卒皆給祿三年分遣使者按行民田以肥瘠定其稅民稱平允自是江淮調兵興役及它賦斂皆以稅錢為率至今用之唐主勤於聽政以夜繼晝還自江都不復宴樂頗傷躁急內侍王紹顏上書以為今春以來羣臣獲罪者眾中外疑懼唐主手詔釋其所以然令紹顏告諭中外。○七年唐左丞相宋齊丘固求豫政事唐主聽入中書其三省事並取齊王璟參決齊丘視事數月親吏夏昌圖盜官錢三千緡齊丘判貸其死唐主大怒斬昌圖齊丘稱疾請罷省事從之。○齊丘既罷省事不復朝謁唐主遣壽王景勞問許鎮洪州始入朝唐王宴酒酣齊丘曰中興臣之力也奈何忘之唐主怒曰公以游客干朕今為三公亦

齊王

諱重貴

元年癸卯

末年丙午

漢滅之

唐

元

五八十五

建康志卷十二

金陵尹

王景逵為

諸道兵馬

元帥

足矣乃與人言朕烏喙如何踐難與其安樂有之乎齊王曰臣實有此言臣為游客時陛下乃偏裨耳今日殺臣可矣明日唐主手詔謝之曰朕之福性子嵩平日所知少相親老相怨可乎丙午以齊王為鎮南節度使。唐主自為吳相與利除害變更舊法甚多及即位命法官及尚書刪定為昇元條三十卷行之。開運三年南唐滅閩。

天福八年唐宣城王景達剛毅開爽烈祖愛之屢欲以為嗣宋齊王亟稱其才唐主以齊王璟年長而止璟以是怨齊王唐主幼子景邊母种氏有寵齊王璟母宋皇后稀得進見唐主如璟宮遇璟親調樂器大怒詔讓數日种氏乘間言景邊雖幼而慧可以為嗣唐主怒曰子有過父訓之常事也國家大計女子何得預知即命嫁之唐主嘗夢吞靈丹且

三

而方士史守冲獻丹方以為神而餌之浸成躁急嘗以藥賜李建勳建勳曰臣餌之數日已覺躁熱况多餌乎唐主曰朕服之久矣羣臣奏事往往暴怒然或有辨論中理者亦斂容慰謝而從之。給事中常夢錫言陳覺馮延巳魏岑皆佞邪小人不宜侍東宮司門郎中蕭儼表稱陳覺姦回亂政唐主頗感寤未及去會疽發背秘不令人知密令醫治之聽政如故庚午疾亟太醫吳廷裕遣親信召齊王璟入侍疾唐主謂璟曰吾餌金石始欲益壽乃更傷生汝宜戒之是夕殂祕不發喪下制以齊王監國大赦孫晟恐馮延巳等用事欲稱遺詔令太后臨朝稱制李貽業以為姦令詐也晟懼而止馮延巳延魯俱在元帥府草遺詔聽民賣男女意欲自買姬妾蕭儼駁曰此非大行之命延巳昔有此請於先

建康志卷十二

帝臣曰陛下昔為吳相民有鬻男女者為出府金贖而歸之故遠近歸心今即位而反之可乎先帝斜封延魯疏抹三筆持入請求諸宮中果得延魯疏然以遺詔已行竟不之改○唐元宗卽位大赦改元保大以齊丘為太保兼中書令周宗為侍中唐主以為先朝勳舊故順人望召為相政事皆自決之馮延巳延魯魏岑雖齊邸舊僚皆依附陳覺與查文徽更相汲引侵蝕政事唐人謂覺等為五鬼○唐主緣烈祖意以天雄節度使兼中書令金陵尹燕王景遂為諸道兵馬元帥徙封齊王居東宮景遂為副元帥徙封燕王宣告中外約以傳位立長子景遂景遂固辭不許景遂自誓必不敢為嗣更其字曰退身○冬十月唐主遣洪州營屯都虞候嚴恩將兵討張遇賢以通事舍人金陵邊鎬為監軍鎬

用虔州人白昌裕為謀主擊張遇賢屢破之遇賢禱於神神不復言其徒大懼昌裕勸鎬伐木開道出其營後襲之遇賢棄眾奔別將李台台知神無驗執遇賢以降斬於金陵市○唐侍中周宗年老恭謹自守齊丘百計傾之宗泣訴於唐主唐主由是薄齊丘既而陳覺被疎乃出齊丘為鎮海軍節度使齊丘忿對表乞歸九華舊隱唐主知其詐從之仍賜號九華先生封青陽公食一縣租稅齊丘乃治大第於青陽服御將吏皆如王公而憤色尤甚○開運元年唐主決欲傳位於齊燕二王翰林學士馮延巳等因之欲隔絕中外以擅權幸已敕齊王景達參決庶政百官惟魏岑查文徽得白事餘非召對不得見國人大駭蕭儼極論不報賈崇扣閣切諫唐主感悟遽收前敕○唐主於宮中作高樓召羣

臣觀之眾皆歎美蕭儼曰恨樓下無井
唐主問其故對曰以此不及景陽樓耳
唐主怒貶舒州觀察使○二年八月唐
兵圍建州既久建人離心丁亥唐先鋒
橋道使上元王建封先登遂克建州閩
主延政降十月王延政至金陵唐主以
爲羽林大將軍斬楊思恭以謝建人○
十二月唐齊王景達府屬謝仲宣言於
景達曰宋齊丘先帝布衣之交今棄之
草萊不厭衆心唐主乃使景達自至青
陽召之○三年正月以齊丘爲太傅兼
中書令但奉朝請不預政事以昭武節
度使李建勳爲右僕射與中書侍郎馮
延巳同平章事○初唐主置宣政院於
禁中以翰林學士給事中常夢錫領之
專典機密與中書侍郎嚴續皆忠直無
私唐主謂夢錫曰大臣惟嚴續中立然
無才恐不勝其黨卿宜左右之未幾夢

建康志卷十二

錫罷宣政院續亦出爲池州觀察使○
後主淫於浮圖氏嘗有二人繼踵而諫
一人獲徒三年一人獲流罪歙州汪渙
上書云臣今第三諫也若以前諫得罪
比之臣合於流上加等至死臣是以將
一命納在昌朝臣聞梁武帝之事佛也
刺血寫經散髮與僧踐捨身爲寺奴屈
膝禮和尚及終也餓死於臺城之下今
陛下事佛雖未見有此臣恐它日猶不
得如梁武臺城之事後主覽書曰此敢
死之士授以昭文館校書郎

高祖



劉暠
元年
未年

天福十二年唐主以太傅兼中書令宋
齊丘爲鎮南節度使又以羽林大將軍
王延政爲安化節度使鄱陽王鎮饒州

隱帝

諱承祐

元年己酉

末年庚戌

周滅之

周

太祖

郭威

元年辛亥

末年甲寅

二年建業

災焚廬舍

營署踰月

乃止

五十九

建康志卷十二

乾祐二年唐主復進用魏岑吏部郎會稽鍾謨尚書員外郎李德明始以辨慧得幸參預國政二人皆恃恩輕躁雖不與岑為黨而國人皆惡之

廣順元年唐百官共賀湖南平起居郎高遠曰我乘楚亂取之甚易觀諸將之才但恐守之甚難耳唐主自即位以來未嘗親祠郊廟嘗曰俟天下一家然後告謝一舉取楚謂諸國指麾可定魏岑侍宴言臣少遊元城樂其風土俟陛下定中原乞魏博節度使唐主許之岑趨下拜謝其主驕臣佞如此○初蒙城鎮將咸師朗將部兵降唐唐主以其兵為奉節都從邊鎬平湖南唐悉收湖南金帛珍玩倉粟之屬及至舟艦亭館花果之美者皆徙於金陵遣楊繼勳收湖南

十四

租賦以贍戍兵繼勳等務為苛刻湖南人失望行營糧料使王紹顏減士卒糧賜奉節指揮使孫朗曹進怒曰昔吾從咸公降唐唐待我豈如今日湖南將士之厚哉今有功不增祿賜又減之不如殺紹顏及鎬據湖南歸中原富貴可圖也○二年正月庚申夜孫朗曹進帥其徒作亂邊鎬覺之出兵格鬪朗斬關奔朗州王逵問朗曰淮南兵易與耳今欲以朗州之眾復取湖南可乎朗曰朗在金陵數嘗備見其政事朝無賢臣軍無良將忠佞無別賞罰不當如此得國存幸矣何能兼人朗請為公前驅取湖南如拾芥耳逵悅厚遇之○唐司徒致仕李建勳卒戒家人曰時事如此吾得良死幸矣勿封土立碑聽人耕種於上免為它日開發之標及江南之亡也諸貴人之家無不發者惟建勳冢莫知其處

世宗

榮

元年 丙卯

末年 丙未

庚申 歸于

皇宋

○唐江西觀察使楚王馬希萼入朝唐主留之後數年卒於金陵諡曰恭孝○三年唐草澤邵棠上言近游淮上聞周主恭儉增修德政吾兵新破於潭即恐其有南征之意宜為之備○唐大旱井泉涸淮水可涉饑民度淮而北者相繼○唐欲罷貢舉知制誥徐鉉言貢舉初設不宜遽罷乃復行之○唐保大十一年境內大旱自六月不雨至明年三月民大饑疫死大半下令郡縣煮粥賑之饑民食者皆死城內外傍水際積尸臭不可行○南唐保大中有給事中唐鑑忽一旦改易巾櫛低巾短柄以單薄漆紗為之唐主見而美之曰雅矣官寮士庶舉國效之柄之長者不踰二寸紗之薄者微露頂髻時謂青紗幞頭唯袁州隱士易元象依舊高冠長柄人或笑其不入時樣元象曰低巾短柄國家不祥

之兆不忍効之明年周世宗度淮國主稱臣唐祚衰微前言驗矣

顯德二年唐主以中書侍郎知尚書省嚴續為門下侍郎同平章事○唐主性和柔好文華而喜人順已由是諂諛之臣多進用政事日亂十一月乙未周主以李穀王彥超韓令坤等十二將伐唐唐人聞周兵至而懼劉仁贍神氣自若部分守禦無異平日眾情稍安唐主以劉彥貞將兵二萬趣壽州同平章事皇甫暉為應援使姚鳳為應援都監將兵三萬屯定遠召鎮南節度使朱齊丘還金陵謀國難以殷崇義為吏部尚書知樞密院○柴母者吳將柴再用之妻唐刺史柴克宏之母保大中周師北入越人東侵命將帥拒之踟躕未決柴母上表臣妾長男克宏堪任指使樞密李徽古奏曰此人雖良將之子素無聲

之乃常常之人請勿用柴母又上表曰
 臣妾故夫再用佐吳立大勳妾見克宏
 舉止動靜有父風也若用之必能集事
 如不勝任甘受族誅嗣主召克宏以見
 詢之謀策克宏曰周師北入尚隔長江
 馬鞭雖長未能及腹越人東侵咫尺畿
 甸臣請舉兵東向先堵越人然後北渡
 長江取安淮甸嗣主然之授以萬嶽翌
 日出兵嗣主勅曰司天監奏出兵利南
 門及出兵克宏取它門而出勅駙騎讓
 之對曰南門屬火臣本姓柴火能焚柴
 兵家所忌是以不敢嗣主曰真良將必
 捷矣至毗陵大敗越人斬馘獻俘不可
 紀數嗣主復授克宏嶽北渡長江未及
 淮塢中途而卒或曰徵古以前言之失
 忌而醜之○唐主兵屢敗懼亡乃遣翰
 林學士鍾謨工部侍郎文理院學士李
 德明奉表稱臣來請平獻御服茶藥金

銀器繒錦牛酒謨德明素辯口上知其
 欲游說盛陳甲兵而見之曰爾主自謂
 唐室苗裔宜知禮義異於它國與朕止
 隔一水未嘗遣一介修好惟泛海通契
 丹捨華事夷禮義安在且汝欲說我令
 罷兵邪我非六國愚主豈汝口舌所能
 移邪可歸語汝主亟來見朕再拜謝過
 則無事矣不然朕欲往觀金陵城借府
 庫以勞軍汝君臣得無悔乎謨德明戰
 栗不敢言○太祖奏唐天長制置使耿
 謙降獲芻糧二十餘萬○韓令坤攻唐
 泰州拔之刺史方訥奔金陵唐主遣使
 求救於契丹何繼雲獲而獻之○唐主
 復以右僕射孫晟為司空遣與禮部尚
 書奉表入見云臣紹襲先業奄有江表
 顧以贍烏未定附鳳何從今天命有歸
 聲教遠被願比兩浙湖南仰奉正朔謹
 守土疆乞收薄伐之威赦其後服之罪

首於下國俾作外臣則柔遠之德云誰不服又獻金銀器羅綺○唐主使李德明孫晟言於周請去帝號割壽濠泗楚光海六州之地仍歲輸金帛百萬以求罷兵周欲盡得江北之地不許德明請歸白唐主許之遣供奉官安宏道送德明歸金陵賜唐主詔書其略曰但存帝號何爽歲寒倘堅事大之心終不迫人于險又曰俟諸郡之悉來即大軍之立罷言盡於此更不煩云苟曰未然請從茲絕又賜其將相書使熟議而來唐主復上表謝德明勸唐主割江北之地唐主不悅宋齊丘等因譖德明賣國求利斬德明於市唐齊王景達將兵二萬自瓜步濟江距六合二十餘里設柵不進諸將欲擊之○太祖皇帝曰吾眾不滿二千若往擊之則彼見吾寡矣不如俟其來而擊之破之必矣居數日唐出兵

趣六合○太祖奮擊大破之殺獲近五千人餘眾尚萬餘走渡江爭舟溺死者甚眾於是唐之精兵盡矣唐駕部員外郎朱元因奏事論用兵方略唐主以為能命將兵復江北諸州○是歲唐主詔淮南營田害民尤甚者罷之○四年唐齊王景達及陳覺皆自濠州奔歸金陵惟靜江指揮使陳德誠全軍而還○十一月李重進破唐濠州南關城又攻拔其羊馬城城中震恐本州團練使郭廷謂上表言臣家在江南今若遽降恐為唐所種族請先遣使詣金陵稟命然後出降帝許之郭廷謂使者自金陵還知唐不能救命錄事參軍李延鄒草降表延鄒責以忠義繼擲筆曰大丈夫終不負國為叛臣作降表廷謂斬之舉濠州降○五年唐改元中興○周取淮南惟廬舒蘄黃未下唐主遣陳覺奉表至周

恭帝

名崇訓

世宗子即

位百餘日

遜位

皇宋

偽唐李景
改元交泰
又改中興
皇宋以爲
號改江南
國

小三十九
六十一

建康志卷十二

見周兵之盛請遣人度江取表獻四州地書江爲境以求息兵遣其屬劉承遇如金陵上賜唐主書唐王復遣劉承遇奉表獻江北四州歲輸貢納於是江北悉平得州十四縣六十丙午唐主遣馮延巳獻銀絹錢茶穀共百萬以犒軍○庚戌敕淮南節度使楊行密故昇府節度使徐溫等墓並量給守戶○唐主避周諱更名景下令去帝號稱國主凡天子儀制皆有降損去年號用周正朔○唐主內附未嘗遣使至其國五月己酉始命馮延魯鍾謨使于唐賜以御衣玉帶等及犒軍帛十萬并今年欽天歷○唐主以金陵去周纔隔一水洪州險固居上游集羣臣議徙都之○七月始鑄當十大錢文曰永通泉貨又鑄當二錢文曰唐國通寶與開元錢並行○九月唐太子宏冀卒有司引浙西之功謚曰

三

武宣句容尉全椒張洎上言太子之德主於孝敬今謚以武功非所以防微而慎德也乃更謚曰文獻擢洎爲上元尉是歲我太祖皇帝登極

景定建康志卷之十二